



Synfocity = 865

mail us at : mzsynfo@gmail.com; mizoramsynod@gmail.com - Phone - 2314648

November 3, 2022

❑ Board leh Committee peng hrang hrang an ðhu

Synod Inkhawmpui atana Synod Department hrang hrangte inruahman lawkna Committee chu Oct. 17 (Thawhþanni) aþang khan neih chho zel a ni a, Oct. 31 (Thawhþanni) khan Trust Committee an ðhu a, Nov. 1 (Thawhleñni) khan Social Front Committee an ðhu a, secretary-in report a pe a, International Day Against Abuse & Illicit Trafficking programme-ah Synod aiawha tel thu te, Naksha Mukht Abhiyaan District committee-ah Synod aiawha tel thu te, Cement Mistiri Training neih anih thu te leh rawngbawlna hrang hranga fehchhuah thu te tarlan a ni. Tun ðumah hian thurel tura chhawpchhuah 17 a awm.

Nov. 2 (Nilaini) khan Worship Committee an ðhu a, Secretary-in report a pe a, Hripui avanga music class chawlh anih hnuah Music class ðan anih leh tawh thu te, Kristian Hlabu leh Naupang hla ennawn chungchang te, Aizawl hmar lama Music School hawn thu te, Bachelor of Music zir sponsor thu te, zaipawl hruaitu training chungchang te, Kohhran leh Bial hrang hranga rawngbawla chetchhuahna hrang hrang te tarlan a ni. Tun ðumah hian thurel tura chhawpchhuah 10 a awm.

Nov. 8 - 10, 2022 chung hian Synod Executive Committee an ðhu ang.

Synod Inkhawmpui atana inruahman lawkna committee peng hrang hrangte hi Synod Moderator-in kaihruaiin Secretary report-te ngaihthlak a ni a, department budget 2023 - 2024 ruahmanna sawiho ðhin a ni bawk.

❑ Pu Rokunga KUTZIAK HLA BU Synod Archives-ah hlan

Nov. 2, 2022 (Nilaini) chawhnu dar 2:30 khan Rokunga chhungte leh Rokunga Memorial Society ten Pu Rokunga Kutziak Hla bu (manuscript) pahñih chu Mizoram Synod Archives-a vawn ðat turin an hlan.

Archives-a Pu Rokunga Hla Bu pekna inkhawm tawi hi Synod Office Devotion Room-ah neih a ni a, Synod Executive Secretary zinga Archives changtu Rev. V. L. Luaia Hranleh-in programme a kaihruai a. Pu Rokunga fa la dam zinga upa ber Pi Lalengi'n chhungkaw aiawhin thu a sawi a, Rokunga Memorial Society aiawhin Secretary Pu Rochamlia'n thu a sawi bawk.

Hla phuahtu Rokunga'n a kutziak ngeia a hlaphuah zawng zawngte a ziah chhuahna Hla Bu pahñih, kum 1942 leh kum 1950 bawr vela mi, manuscript hlu leh pawimawh em em chu Rokunga fate zinga la dam mi pathumte leh Rokunga Memorial Society hruaituten Rev. V. L. Luaia Hranleh hnenah an hlan a. A duh apiang tan thusawina hun hman zawhah Synod Archives Asst. Coordinator Pu John Lalhruaitluanga'n Synod Archives aiawhin lawmthu a sawi a ni.

He hunah hian Pu Rokunga chhungte leh Pu Rokunga'n a lo kaihruai ðhinte, Mission Veng Kohhran Upa ðhenkhat leh sawm bikte an tel a ni.

❑ Synod Mission Board leh ram pawn chet velna

◆ Bru Convention neih a ni

Oct. 28 - 30, 2022 chung khan Damparengpui-ah Bru Convention vawi 5-na neih a ni a, Speaker Rev. Benny Lalmawia, Tanhril Bialtu a ni. Oct. 28 (Zirtawpni) zanah Inlawmna inkhawm neih a ni a, Oct. 29 (Inrinni) nilengin Cultural leh Variety Programme-in hun an hmang a, zanah Vantlang Pathian Biak inkhawm neih niin Speaker hnen aþangin Pathian Thuchah ngaihthlak a ni a, Oct. 30 (Pathianni) chawhma, chawhnu leh zanah te vantlang Pathian Biak inkhawm neih niin Speaker hnen aþangin Pathian thuchah ngaihthlak a ni. Convention hmanpui hian Synod Mission Board, Synod Office aþangin thawktu 5 an kal a ni. Convention-ah hian Palai riaklut 534 an awm a, langa kal 172 an awm a ni. Inkhawm tam lai ber Pathianni chawhmaah mi 1100 vel an inkhawm a, Home Mission North-ah hian thawktu Missionary 186 an awm mek a ni.

◆ Delhi Mission Field

Oct. 29, 2022 (Inrinni) khan mi 4 Lal Isua zui turin an inpe a, Oct. 30, 2022 (Pathianni) khan mi 6 Lal Isua zui turin an inpe bawk.

◆ **Assam Mission Field**

Oct. 30, 2022 (Pathianni) khan Assam Mission Field-a Jopoubari Kohhran chu Kohhran Puitlinga hlankaina hun Rev. Billy Lalrinchhana, Field Secretary-in a hmang a. He hun hi Kohhran mipuiten an ngaihluin Biak In khatin an inkhawm a. Inkhawm banah ruai an theh nghal a ni. Chawhnuah Inkhawm neiin Lalpa Zanriah Sakramen bialtu Pastor Samuel Vanlalmuanpuia Renthlei-in a theh a, he hunah hian mi 2 Lal Isua zui turin an inpe.

Oct. 30, 2022 (Pathianni) khan Field chhung hmun hrang hrangah mi 7 Lal Isua zui turin an inpe.

◆ **Jharkhand Mission Field**

Oct. 30, 2022 (Pathianni) khan mi 16 Lal Isua zui turin an inpe.

◆ **Arunachal & Assam Mission Field (West)**

Oct. 30, 2022 (Pathianni) khan mi 4 Lal Isua zui turin an inpe.

◆ **Tripura Mission Field**

Oct. 2022 chhungin ringthar 92 an awm a, kumin chhung hian 1200 an target a, October thla thlengin ringthar 1041 an nei tawh a ni.

◆ **Masihi Sangati**

Oct. 30, 2022 (Pathianni) khan Hnahtiala Masihi Sangati rawngbawlnaah mi 55 Lal Isua zui turin an inpe.

□ **Praise On 2022**

Oct. 27 & 28, 2022 khan Synfo leh Central KṚP ṭangkawpin an buatsaih Praise On Mal zai intihsiak top 20 chu Chaltlang Kohhran Hall-ah tuang taka neih a ni.

Top 20-te hian Sound track hmangin an hla duh zawng 1 hmangin intihsiakna an nei a, intihsiakna neih zawh hian result puan nghal a ni. Top 10-a tlingte chu :

1. Isaac Lalthazuala, Chanmari West Hmar Veng
2. Jessica Lalhmangaihtluangi, Lunglei, Lunglawn
3. Malsawmdawngzuali, Tlangnuam West
4. R. Remsangpuia, Chanmari West
5. R. Lalmuanpuia, Rengdil
6. Vesper Lalrinawma, Saitual
7. R. Lalnuntluangi, Laipuitlang
8. Lalhriatkimi, Diakkawn, Kolasib
9. Lalramnunmawii, Durtlang
10. Gloria Laldinsangi, Dawrpui Vengthar

Top 10-te hian Nov. 8 & 17, 2022 zanah te intihsiakna an nei leh ang a, Nov. 8, 2022 zanah Kristian Hlabu ami an duh ber an sa ang a, Nov. 17, 2022 zanah anmahni hla duh zawng hmangin intihsiakna neih leh a ni ang a, Nov. 18, 2022 zanah result puan a ni ang. Top 10 atangin pakhatna, pahnihna leh pathumna thlanchhuah a ni tawh dawn a ni. Top 10 intihsiakna leh result puan hi Mission Vengthlang Kohhranin an thleng dawn a ni.

□ **Worship**

Nov. 2 - 4, 2022 chhung hian Ratu Bialah Zaihrui Training neihpuuin Pu H. Lalrinmawia, Senior Instructor a kal.

□ **Kohhran Hmeichhia**

Nov. 3 & 4, 2022 hian Kohhran Hmeichhe Inkhawmpui Lian 2023 thlenna tur Darlawn tlawhin Rev. VL Luaia Hranleh, Executive Secretary; Pi Sailuti, Chairman; Pi H. Lalfakmawii, General Secretary leh Pi Vanlalhruii, Vice Chairman te an kal.

□ **KṚP**

Central KṚP chuan December 20, 2022 zan hian AR Lammualah Glorify 22 an buatsaih dawn a. Rimawi hmanga Pathian chawimawina hun tura ruahman a ni.

Central KṚP Committee chuan kumin kum tawp lamah mite thinlung Krismas atan leh Pathian tana lo buatsaih lawkna tur programme ngaihtuahin Glorify 22 hi buatsaih turin a rel ta a ni. Glorify 22-ah hian Praise On 2016-a Top 3 te, tuna Praise On intihsiak neih meka Top 3 te bakah, Stacy V.L Muanpuui, Boys of God, Seraphic Choir, Mizoram Synod Choir, One In Christ, Super Trio, Jerry Lalrinawma, Isarela Pachuau, Vanlalroluhtumi leh Saitluangpuui Sailo te zai tura beisei an ni.

☐ **Synod Relief Fund**

Tun hnaia harsatna hrang hrang nei te hnenah Synod Relief Fund aţangin hetiang hian chhawmdawlna pek a ni.

S.No	Khua	Pek chhan	Chhungkaw zat	Pek zat
1.	Tuirial leh Tuirial Airfield	Vanduaina tawk	13	Rs. 1,28,000/-
2.	Darlawng, Tlungvel Vengthar	Damlo	1	Rs. 8,000/-
3.	Electric Veng	Damlo	1	Rs. 8,000/-
			BELHKHAWM	Rs. 1,44,000/-

☐ **Khawvel Sunday School Ni**

November 6 (Pathianni) hi Khawvel Sunday School Ni a ni a. Kumin Khawvel Sunday School Ni-ah hian Mizoram Presbyterian Kohhran chuan puitlingah "**Rilru put hmang siam that**" Rev. Dr. H. Vanlalruata ziah an zir ang a. Intermediate department - Senior department-in "**Rilru Hrisel**" Dr. Ruth Lalmuanpuii ziah an zir ang a, Beginner department - Junior department-in "**Mephibosetha**" Dr. Lalnghakthuami ziah an zir ang.

Sunday School hi kum 1780-ah England ram, Gloucester khuaa Robert Raikes-a din a ni a. Hemi hma pawh hian mi thahnemngai engemaw zatin anmahni huam chhungah mumal deuh takin an kalpui tawh a. Kalphung fel zawka a indin chhuahna leh a darh zau takna chu Robert Raikes-a hmalakna a ni. Thilsiamna hmuna thawk naupangte ziak leh chhiar thiam lo, inkhawm ngai miah lote chu hruai khawmin Pi Meredith-i inah ama sum senga zirtirtu ruaiin a zirtir a. Vawi khat class lakah zirtirtute hi shiling khat a hlawhtir nia sawi a ni. Kum 1805 aţangin John Wesley-a hma laknain hlawnh neia zirtirtu rawih chu tihtawp a ni ta a ni.

Dodalna nasa tak hnuaia bul ţan ni mahse, Sunday School hi mi chanhaiten zirna an dawn theihna hmasa ber a nih avang leh Sunday School kaite nunah danglamna nasa tak an hmuh avangin a darh zau zel a. A tira hmusit taka elsentute ngei chuan, "Robert Raikes-a hian Gloucester khuaa sihal rualte chu beram novah a chhuah vek a ni," an ti hial a. Pawi khawihna tlahniama jail tang an tlem tak em avangin Gloucester khua leh a chheh vela dan lekkawhtu leh thubuai remtu inzawm khawmte chuan kum 1805-ah Robert Raikes-a hnenah inthuralin lawmthu sawina lehkha an thawn hial a ni.

India ramah July 9, 1803 aţangin missionary ropui William Carey-a leh a ũiante (Serampore Trio) hma laknain Sunday School neih ũan a ni a. Mizoram pawh Zosap Rev. D.E. Jones-a (Zosaphlua) hma laknain February 20, 1898 aţangin mei mit lovin kan nei zui ve ta a ni.

Oct. 19, 2022 (Nilaini)a MSSU Committee report-a alan danin tunah hian MSSU hnuaiah Sunday School 1028, Hotu 4,587, Zirtirtu 50,346 leh Zirtu 3,90,350 awmin, hming ziak zawng zawng hi 4,45,283 an awm mek a ni.

Chawimawina kan neihte pek chhuah zat hetiang hi a ni:

1. Diploma Award - 18014
2. Jubilee Award - 1409
3. Pi Zaii Medal - 21911
4. Pi Zaii Medal Special - 1496
5. Zalawra Medal - 22816
6. Zalawra Medal Special - 1822

Khawvel hmun hrang hrangah Sunday School inzawmkhawm pawl din a ni a. Kum 1785-ah Society for Promoting Sunday School-in the British Dominions din a ni a, January 11, 1791-ah American Sunday School Society din a ni leh a, India ramah pawh 1876-ah Indian Sunday School Union din a ni. Khawvel huapa Sunday School inzawm khawmna 'World's Sunday School Association' chuan kum 1889-ah London-ah convention hmasa ber neiin kum thum danah neih ũin a ni.

Khawvel Sunday School Ni hi World's Sunday School Association-in kum 1907-a Rome khawpuia Convention an neih ũumin he pawla an Treasurer ni mek, Tabernacle Presbyterian Church, Philadelphia Upa ni bawk Dr. George W. Bailey-a chuan a rawt a, chu thu chu 1910-a Washington-a Convention an neih ũumin an sawi ho leh a, May 22, 1910-ah he hun hi an hmang ũan ta a ni. Dr. George W. Bailey-a hi kum 1913-1916 chhungin World's Sunday School Association-ah President a ni zui ta nghe nghe.

Kum 1944 February 16-a MSSU Committee-in a rel angin Mizoramah chuan kum 1944 aţangin Khawvel Sunday School Ni hman ţan a ni a, 1949 aţangin November Pathianni hmasa berah thupui neia hmang ţanin, kum 2001 aţangin puitling leh naupang lam ten zirlai hran an zir ţan a, kum 2019 aţangin naupang lam chu hmun hnih - Beginner - Junior leh Intermediate - Senior-ah ţhen a lo ni leh ta a ni.

□ **Moderator leh Executive Secretary-te Programme:**

Rev. Dr. Vanlalnghaka Ralte : Moderator

Nov. 5, 2022 Zemabawk Kohhran tlawh
 Nov. 7, 2022 Service Board
 Nov. 8 - 10, 2022 SEC

Rev. C. Zorammawia : Senior Executive Secretary

Nov. 7, 2022 Service Board
 Nov. 8 - 10, 2022 SEC

Rev. V.L. Luaia Hranleh : Executive Secretary

Nov. 7, 2022 Service Board
 Nov. 8 - 10, 2022 SEC
 Nov. 11, 2022 Women Centre-a zir tur interview

Rev. Dr. K. Lallawmzuala : Executive Secretary

Nov. 7, 2022 Service Board
 Nov. 8 - 10, 2022 SEC
 Nov. 13, 2022 Mission Vengthlang Kohhran - Social Front Campaign

ADVERTISEMENT

Synod Multipurpose Training Centre (SMTC) chuan kum thar (2023) at n a hnuai Vocational training trade hrang hrang t rlante zir t r a la leh d wn a. Dilna form hi Mizoram Synod Website - www.mizoramsynod.org-ah dah a ni.

<i>S/N Training t�r Trade</i>	<i>Course rei z�wnɡ</i>	<i>Seat awm z�t</i>
1. Puan�hui (Tailoring)	Thla 12 (Jan-Dec)	Mipa (15) & Hmeichhia (45)
2. Diploma in Computer Application (DCA)	Thla 6 (Jan-June)	24
3. Beauty Culture	Thla 6 (Jan-June)	6
4. Mobile repairing	Thla 6 (Jan-June)	6
5. Welding & Fabrication	Thla 6 (Jan-June)	6
6. Electric wiring & Repairing	Thla 6 (Jan-June)	6

Hriatt r pawimawhte:

1. Dilna chu ni 28 Nov., 2022 aia tlai lovah SMTC Office-ah thehluh t r a ni.
 2. D lnaah hian Kohhran lehkha thil tel ngei t r a ni.
 3. Interview hun : Ni 30 Nov., 2022 (Nilaini) - 10:00 am
 4. Interview-na hmun : SMTC, Mission Vengthlang
 5. Kum thara Class ţan hun : 18 Jan., 2023 (Nilaini)
- Aizawl khaw p wna awm, mamawh zual b k te t n Hostel a awm ang.

Sd/-, Rev. V.L. Luaia Hranleh
 Executive Secretary i/c SMTC
 Synod Office; Aizawl